

هویدہ شعیب

# شباب تايہ

أشعار

طبعة أولى يناير 2019

## بطاقة الكتاب

عنوان المؤلف	: شباب تايه
إسم الشهرة	: هويده شعيب
التصنيف	: أشعار
رقم الإيداع	: 2018 - 22847
عدد الصفحات	: 100 صفحة
رقم الإصدار الداخلى	: 303 طبعة أولى يناير 2019
تصميم الغلاف والتنسيق	: الشاعر محمد الساعى

جميع حقوق الطبع والنشر محفوظة للمؤلف، ولا يحق لأى دار نشر  
طبع ونشر الكتاب الا بموافقة كتابية من المؤلف

### دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

## ناجى عبد المنعم



دار  
النيل والفرات  
للنشر والتوزيع

أسسها الشاعر ناجى عبد المنعم  
عام 2017

رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572  
عضو عامل باتحاد الناشرين المصريين رقم 941 لسنة 2018  
هاتف: 01011256943 - 01116202218 - 01202541192 تليفاكس: 020554372901  
[alnilwaalfourat](https://www.facebook.com/alnilwaalfourat) [alnilwaalfourat@gmail.com](mailto:alnilwaalfourat@gmail.com)  
المقر الرئيسي: ج.م.ع. محافظة الشرقية - العاشر من رمضان - مجاورة 13 - امام سنتر الـ 13 - عقار 304

## الإهداء

إلى روح أمي التي علمتني كيف أحيا الوفاء ، علمتني كيف أحيا  
بين الأحياء ، وكيف أذوب عشقا في الوفاء ، وكيف أفنى عشقا  
للوفاء لمن قدموا لي ولو كلمة تدفعني للبقاء ، أو كانوا سببا في  
الدافع الإيجابي في حياتي

(ابنائي )

روضة/ روح قلبي وزوجها/ عماد

واولادها/ رويدا روح قلبي

ومحمد حبيبي

د / سماح /توعم عقلي ورحي

ومع أمنيته لها بالسعادة والعطاء من رب العباد

على قدر حبها للعطاء والإيجابية مع المجتمع

منتصر. /الحنان كله و الطيبه والرياضه

((اخوتي))

أختي الحاجه/ أم أحمد سماح التي بمثابة (امي)

و زوجها الحاج /رضا شحاته الأخ الذي لم تلده امي

أخي /حسين شعيب

مثال الأمانه والشرف في عمله ومع المجتمع وهذا يشرفني

أخي /عماد حبيبي الجدعنه كلها وقت الجد

أخي / عطيه الحنان  
كله والروحانيات العاليه  
((والدي ))  
الحاج/ محمد شعيب  
المحارب مع الجيش المصري / في العريش  
واليمن واكتوبر ولم يترك الجيش الا بعد النصر  
وبعدها أتغرب في كل البلاد العربية اكثر من 35سنة من  
اجل تربيته أولاده الستة  
الا انه من ال شعيب الإشراف الذي ينتهي نسبه إلي سيدنا شعيب  
النبي  
((احبتي))  
إلي كل من احبوني وكان لهم يدا في الطاقه الإيجابيه عندي للعطاء  
شكرا  
(((زملائي في العمل))) جميعا لهم الحب والاحترام  
والي كل أسره شرفني الله  
وكنت سببا في بناؤها  
لهم مني كل الحب والاحترام  
وأتمنى من الله أن تنول محاولات لشرح حبي لأهلي أهل مصر  
ووطني الوطن العربي جميعا  
إعجابكم ولكم عظيم حبي واحترامي

## هويده شعيب

# أتحدى .. مين أكثر منى بحبها

قالوا مين هى مصر

قلت هى أجمل قصر

قالوا هى مين مصر

قلت العروسة

فى كل عصر

أم قلب دافى

أم ترابى يوافى

أم حضن أمان يضم

قالوا فيها بـ كام

قلت ولا بكل العيال

والمال

أجيال ورا أجيال

ولحد يوم الحشر  
قالوا انساها  
قلت أنا جذر  
من سابع أرض جواها  
قالوا مش هنسبها  
فى حالها يوم  
قلت أنا لها يا موهوم  
ولحظة م ما غدرك يطولها  
هافر د طولى  
وألمم حيلى  
وهز عيالى هز  
وبلاها طموح  
هافديها بالروح  
وما عنى كنت  
ولا رحلت

ولا حققت  
من طموح  
قالوا لهذا الحد يا مكبوح  
قلت بلدى أغلى . م الروح  
قالوا احنا عاوزينها كده  
تفضل محلّك سر  
قلت كفاية  
عليّ خميلة على نيلها  
وحبيبتي جنبى اغنلها  
واكل بطاطا  
وبكل بساطة  
كده عندي كفايه

# أصيل الأصل يا محمد

حبيبي سيدي مولاي

طالبه بس ودك

وود مين ودك

حبيبي من أدك

صنعك ربي

وما جعل في الوجود أدك

الأب آدم

اتخلق علشان يطول ودك

ويقول إنه جدك

وجدك أبو طالب

ضحى بمئات النياج

قربانا علشان خاطرك



لجل يصون عبد الله  
ويصون معاه جذرك  
والطاهر عبد الله  
كان نور ووضاح  
من الفتى الملاح  
كان عين عيون  
بنات العشائر  
إن ولى أو راح  
من وإنت بعلم الغيب  
كان ليك ف أبوك طلة  
سبحان من ولى  
خاف أبو طالب عليه  
جوزه بدرى  
من بنت خاله الحسبية  
أصيلة الجدى

يا أصيلة الجدود  
يوهب لكى نور الوجود  
يا آمنة على النور المولود  
سبحان الوهاب لمن وهب

لأصيلة الأجداد حسبا  
هاشمية الفرع نسبا  
نور مولودك عدى الحدود  
سلاما إليك آمنة  
إلى يوم الخلود  
يوم يوهبنا ربنا لقاكى ولأى  
صاحب نوره الموهوب  
كفاك فخرا آمنة  
إنك أما لمحمد نور الوجود  
صلت عليه الملائكة

قبل الخليفة  
وسجدوا بأمر المعبود  
حملت نورا  
فأنت نورا أماء  
يا أصيلة النورانية  
حسبا ونسبا  
سلاما لك طول الحياة  
سلاما لك حبا وتسليما  
إلى منتهى الأصل  
يا أم الوليد الطاهر  
لك حبي وأنسى  
محمد يارسول الله  
نورك يا نور عيني  
خطى الحدود  
سبحانك يا موجود

وهبت لمحمد هذا العطاء

بلا حدود

وهبت للإسلام

محمد الهادي الأمين

شكرا ربنا أهديتنا محمدا

شفيعا لنا

أمینا علینا

داعيا لنا بالخلود

سبحانك يا معبود

# بلدی عنوانی میت الخولی عبد الله

یا میت عبد الله  
أنا بهواکی  
ویا مصر الأم أنا بهواکی  
یا حبیبتی والله عشقاکی  
عودی منبت جواکی  
ما أقدر أعیش أنا براکی  
زی هوا بالفضا  
زی سمک بالبحر  
زی طیر سما  
عاشقک بالوما

مالى غيرك مهما بعدت  
ولابدل غيرك مهما رحلت  
وتراب غيرك مهما عشت  
م بعشق غيرك مهما عشت  
ونجوم ليلك مهما نظرت  
وطيور نيلك بتغنيلك  
وتحلق وتحب ف خيرك  
يا أم الخير  
عشقك ودا فرض  
بحبك حب السما للأرض  
وأما أبعد عنك  
وأعرف غيرك  
م بفضل غيرك  
ليّ أرض  
وناسك يتقال عنهم

جبابرة عتالة  
لكن وقت الجد  
يصدوا يردوا يكونوا يد بيد  
الله أكبر يا بلدى بجد  
إنتوا الفخر  
والسند والرجال الجد  
يا ميت عبد الله أنا بهواكى  
ويا مصر الأم أنا بهواكى  
عودى منبت جواكى  
م أقدر أعيش أنا براكى  
يا أم الخير عشقك ودا فرض  
بحبك حب السما للأرض

# نبض قلبي

ماشية ومعايا  
مجس نبض الأدب  
فى الناس  
الناس فيها معادن  
ومن أحسن معادن  
حبيبى تلاقى ناس  
ناس معدنها شاعر  
وناس معدنها مشاعر  
وناس للأسف مش ناس  
يا مجس نبضك ملكى  
بتفرز ف كل الناس



بتحلم بدنيا  
خميلة كلها إحساس  
نفسى ترجع دنيا الأدب  
للى اتوجع من الناس  
دنيانا الجميلة بتنده فينا  
نوضع سقوف لكل الناس  
ونحجم فينا المتعافى  
والمتباحت ف أوجاع الناس

ماشية ومعايا  
مجس نبض  
الأدب فى الناس  
ندور على تحت الملاك فينا  
يارب نلاقيها وتلاقينا  
بحلم يارب يطلع حقيقى

نهار جديد لكل وليد  
مصلح صالح سعيد  
للوطن القريب والبعيد

# وسام للرئيسى فى العمل

أخونا أبونا الروحى أنور  
جعل الله من اسمك حصنك  
تعرف معنى اسمك  
النورانى الشفاف الشايف  
أنار الله قلبك أنور  
وجعلك بعباد الله حاسس  
يا إسم معناه  
نورانى شايف  
أنار الله عمرك أنور  
أدور فى بنات أفكارى  
ألاقيك الطيبة المنتهية

علم معلومة مرونة  
جزاك الله عنا يا أنور  
مدرك حاسس بهم الغير  
يقولوا عنك نبع الخير  
شهادة لله كات ليا علاج  
كانت الطيبة نبع الاحساس  
ووقت الجد  
لو حسيت بتعب  
هيطولك  
أنفض ز على بسرعة  
أجري لك  
اعتراف منى بجميلك  
يديك ربي كل الخير  
شكرا شكرا أبونا الروحي  
حتى من صغر سننى فى شغلى



# حبي للترحال

أنا عمرى بحب الترحال  
بيهذب للناس مشاعرها  
وبترمى الناس  
احساس جامد  
وتجدد إحساس متبدد  
وتحس معاه بكمال نعمة  
ويارب الناس كلها عيشاه  
دا الاحساس نعمة من الرب  
ينعم الله بها علينا  
ب الترحال جدد أحوالك  
مهما أسيت أهوال جدد

الترحال فيه الاستشعار  
بوجود الله دائما جدد  
أنا عمرى بحب الترحال  
بيذهب للناس مشاعرها

# لما قالوا السياسة مقاس

لما قالوا السياسة مقاس  
ابعد عنها لتنداس  
قلت لن أبرح محرابي هذا  
حتى يعلم الكل تراثي  
بين الأمم أنا ليا دور  
كتب التاريخ أد إيه مسئول  
م يسير أكون مجهول  
م يسير أكون ع جنب  
م يسير أعمل أنا مش هنا  
لأ أنا من هنا  
دي أرضي أنا



أحفادي وأنا  
باعلم وها اعلم  
الكل يعرف أمجادي  
أنا موجود بوجود رب الوجود  
أبائي وأجدادي  
ما برحت خطاهم إلا بأمجادي  
وأنا يا دوب مهما تعبت  
بحافظ على أمجاد أجدادي  
عشان أسلمها لأولادي  
مرفوعة الجبين والراس  
لا سمحت ف يوم لمدسوس يدوس  
ولا ينسى إننا لها حراس  
لازم العالم أجمع يعرف  
مقاس العربي بترائه  
إصحى يا فرعون مصر وقول

وَأَنْتَ كَمَا نَ وَیَاهِ یَا قَارُونَ  
قَلِّهْ كَمَا نَ یَا لُویْسِنَا التَّاسِعِ  
وَ نَابِلِیُونَ یَنْدُهُ وَیَقُولُ  
أَدِ إِيَّهِ الْمَصْرَى الْعَرَبِیَ  
صَاحِبِ عَزْمٍ وَصَاحِبِ جَاهٍ

# رثاء زويل

ألف رحمة عليك

يا زويل

قومي يا مصر

ومدى الإيد

لابنك غالى

هوه فقيد

حزينة يا غالية وبتنادى

محتاجة لأخويا ولأولادى

يا مصر قومي

ومدى الإيد

نبدأ عهد

ساعتها جديد  
ألف إسم الله  
على ابن بلادي  
زويلنا عزيزنا الهادي  
إنت بداية كل وليد  
حضنك وافي  
لكل فقيد  
إنتى بدايتنا  
والمنتهى  
من واحنا بنحبي  
ع الإيد  
مين غيرك يوافي  
زى حضن تراك الدافى  
مهما نشرق ونغرب  
دا مسيرنا نعود

ونحقق يا أما أحلامنا  
والإيد ف الإيد  
دا كان بيحلم يبني لك  
صرح علم كبير خلاق  
ويحق يا أما أحلامنا  
من غير معايير  
بدل الدموع إدى عزيمة  
وقال إيديكم فى ايدينا  
دا مسير الرب هايهدينا  
ونحقق كل الأحلام

# مواساة قلبى المحب

حبيبى ونور عينى

محمد

جعل الله

اسمك حصنك

ويسلم من الآهات اسمك

دا انا قلبى

يسترجاك تسلم

خطى على رموش عينى

عيونى تترجاك تسلم

حبيب روى منك ألم

حبيبى لا يرينى فيك ألم

لسان قلبى ينهدك  
وفرح قلبى يستهك  
دا أنا على الباب  
وبنهدك  
رد يا حبيب أهك  
وحبيب أهل أهك  
من ربى دعيت  
من الآهات تسلمى  
واختك يا ن العين  
يصنكو ربى يرعاكم  
يا أغلى من هنا قلبى  
يا قلبى وأغلى من قلبى  
يهننى ربى بيكوا  
وتكونوا أحسن ناس  
وعندكم إحساس

بكل ضعيف أو مسكين  
حبيبي وصيتك وصية  
يوم ف الأسبوع  
كشف بلاش  
للمسكين ولغيره كمان  
يوم مفتوح لكل الناس  
منه حصن  
ورحمة  
وإحساس



# رد على تفجير الكنائس

لا سلمت يداه  
ولا حس بنجاة  
ولا ارتاح م الهم  
من ارتاح برؤيا الدم  
ومن ادعى الاسلام دينا  
وتقل باسمه مستعينا  
رسول الإسلام محمد  
وصى بأهل مصر خيرا  
له فيها نسبا وصهرا  
الصهر دى كانت ماريا  
أم إبراهيم القبطية

مِين أَنْتُمْ مِنْ أَى دِين  
اللّٰهُ لَا عَنكُم فِى كُل حِين  
مَهْمَا تَقُولُوا اَحْنَا الْبَاقِيْنَ  
م بَاقِى اِلَّا اللّٰهُ وَآمَرُه  
وَمَا لِلظَّالِمِيْنَ مِنْ سَبِيْل  
لَا سَلَمَتْ يَدَاہ  
وَلَا حَسْ بِنَجَاہ  
وَلَا اِرْتَا ح م الھَم  
مِنْ اِرْتَا ح بِرُؤْيَا الدَّم  
وَمَنْ اَدْعَى الْاِسْلَام دِيْنَا  
وَقَتْلَ بِاِسْمِه مُسْتَعِيْنَا  
الْاِسْلَام مِنْہ بَرَاء  
الْاِسْلَام مِنْہ بَرَاء

# صبر أُمى

يا أُمى  
يا صابرة ومتأنية  
نفسى أغنيك  
وأقعد جوار نيلك  
وأغنى وأشعر فرحا  
بزوال هم مواويلك  
نفسى يزول ضباب الهم  
وترجع دموع عيني تغنى  
فرحا بزوال همك  
إنتى عودتيني  
يا أُمى قوية  
حتى لو تناسيتى الحنية

بدعيلك ربي البرية  
يدوم عطائك والحنية  
كونى قوية  
كونى أبية  
كونى عفية  
كما وجدناك وعودينا  
وقال عنك رب البرية

# شكوى إلى القضاء

يا قضاة العالم

اتحدوا

واتحكموا ليا

أنا الإنسان

بدون لسان

جبت محامى

يحامى ويتكلم ليا

باعنى بيع العبيد

بسوق النخاسة

بكل خسارة

لناس عويلة

تبيع وتشتري فيا  
مظلوم يا قاضى  
يا اللى بتقاضى  
ما هو تستيف  
ورق محام شاطر  
لمحام قابض ثمن عليا  
باعونى واشتروا فيا  
بدون ما يجيبوا  
حق ليا  
والقاضى غصب عنه  
أدامه الورق  
مستف صح  
ولكن ضمير محام  
للأسف مش صح  
خلقتى ربى ناطق

وأمامكم غير  
ما بنطق ف حقى  
وانطق لحق الغير  
ما بشهد لحقى  
واشهد لحق الغير  
وإمتى آخذ حقى  
زى حق الغير  
ها تحولونى حاقدا  
ضيعت أنا حقى  
دون حق الغير  
يا قضاة العالم اتحدوا  
واتحكموا ليه  
نصحنى انسان  
أسحب قضيتي من أناس  
لا يعرفوا الاحسان

ووضعها امام محامي  
سمي بفتحي حسان  
كان صاحب مروءه واحسان  
وبكل فحص واتزان  
قالى حقك اهه  
لسه ف الدنيا امان  
واحساس بالانسان  
فلك الشكر والعرفان  
ولك يا انسان  
قبل المحامي الفنان  
المعرف بالجداره والمروه  
والاحسان



# شباب تايه

لأمته سكة ماشية

وعمر ماشى

لأمته اجمل يوم

مجاشى

منتظر إيه

يا تايه وحدك

حبيب تاه هيرجع

ولا قلب جميل هيلمع

ولا حب كبير م جاشى

وليد من الضلمة يطلع

ولا فجر جديد يطل

ولا عمر مديد يهل  
ولا فرحة ترسم  
ع الجبين ف الايد  
آآآ آه يا أصعب قرار  
ف العمر تعالى  
بالفرحة بغزلك  
مواويلي  
بالهنا منتظرك  
أحكيلك وتحكيلي  
يا عمرى خايف عليك  
لباقى العمر  
م يحويك ولا يكفيك  
لأمته سكة ماشية  
وغمر ماشى  
لأمته أجمل يوم مجاشى

# هانت يا نن العين

هانت يا نن العين  
استحملى شوية  
أنا وابنى موجعين  
اتحملى شوية  
أنا فاهم مكر اللئيم  
مش هاتهنى عليه  
مضطر يا نن العين  
فرض واتفرض عليه  
لا كنت ناويله  
ولا لمواويله  
أنا اتهتيت

ولا اتهزيت  
يا حب بكر خالص  
ومكحل عيني  
أقسمت بحبك يا مصر  
لأدفن عدوك  
ولا يترف ف يوم عيني  
أقسمك يا نن العين  
نعطيه درس  
طول الأبد  
يدرس فيه  
وهفضل مكحل بحبك  
طول السنين عيني  
الأم والابن والجنين  
ف الحشى مضحين  
لأجلك يا نن العين

# أنا الإنسان

# أنا الإنسان

## بكل لسان

# راح أتكلم

## راح أقول وأقول

## کلام معقول

يا سلام سلم

# أنا الإنسان

# راح أتكلم

ياااااارب سلم

## هاقول الصدق

## هاتر عل ناس

## ها أقول الكذب

هاتز عل ناس  
يا ضمير اتكلم  
بلسان الفصاحة  
بكل راحة  
راح اعلم واتعلم  
يا دنيا يا أكبر معلم  
علمينا  
وبلاها قسوة علينا  
دانا التلميذ وباتعلم  
دانا مهما باشرب  
من بحور علمك  
تلميذ وباتعلم  
ومهما أكبر  
ما باعرف أكبر عليكى  
يا غرورة

منك تلميذ وباتعلم  
آه لو اتعلمت يا دنيا  
إزاي الاعبك والأطفك  
هاكون نهايتي بمنتهى  
علمي بفن علمك  
نعيش شقانا فيكي  
نحلم براحة  
وننسى انك  
ما فيكي راحة

# أنا عود نابت فى الريف

أنا عود نابت  
فى الريف  
نازل مدينتكم ضيف  
جايب زوادی معايا  
حزمة جلاوين ورغيف  
لا تاجرت ف يوم بكلام  
ولا من طبعى التزييف  
لاهابطل احب بلادى  
ولا هارضى أمد الإيد  
بازرع بشقايا وعرقى  
ومحب لكل ضعيف



أنا عمرى كده يا مدینتی  
عودی منبت فی الریف  
برایا یجوز ما یسرش  
لکن جوایا نضیف

# يامن لا يهمه الأمر!!

يامن لا يهمه الأمر  
الكل بيساوى تاريخنا  
وتاريخنا بيساوى الكل  
احنا امبارح واليوم وبكره  
روحوا شوفوا ف القرآن  
مصر مهبط الأديان  
مصر قوية ف ايد الله  
وجنودها خير جنود الأرض  
يا جيش مصر شد حيلك  
مصر أمانة أدام عينك  
الله أكبر الله أكبر

أشهد أن نبينا قال  
مصر أمانة بأهل الله  
ولنا فيها أهل وصهر  
وولد من القديسة الطاهرة  
المصرية ماريّا الطاهرة  
كانت زوجة لخير نبي  
على أرضها داس أنبيا  
على أرضها مشى أوليا  
والقارون الجد الأكبر  
والفرعون الجد الثانى  
والأحفاد بعدهم احنا  
احنا امبارح واليوم وبكره  
الكل بيساوى تاريخنا  
وتاريخنا بيساوى الكل  
يامن لا يهمه الأمر

# يا مصر إنتِ الفرحة

يا مصر  
انتى الفرحة  
بيكى نفرح  
والفرح يطول  
يا مصر انت البسمة  
بيكى نسعد  
والسعد يعيش  
يصحى ف قلبى  
وقلب العربى  
الحب البلدى  
فى كل زمان

يا مصر يا حبيبتنا  
ليكى حب الشعب  
ليكى دعوة أم فخورة  
تدعيك وتقول اتهنى  
اتهنى يا ما اسيتى  
اتهنى يا ما اشتلتى  
يا مصرنا  
يا نصرنا كلنا  
يا أم البلاد يا بلدنا

# قوم الصبح لاح

قوم الصبح لاح  
قوم ادعى الفتحاح  
اقصد المولى الرزاق  
ادعوه وقدم م عونك  
للفتحاح يوزع ويعونك  
سبحانك يا الله  
قوم الظهر آت  
انهض قبل الفوات  
والعصافير تغنى  
من الصباح تدعو الصبور  
واليمامات تغرد  
صوتها شجى حنون

الكل راجى رحمتك  
راجيا محبتك  
سبحانك يا الله  
قوم واعمل اللى عليك  
وادعو الاله  
يراعيك  
قوم وعملك  
عليك دا شهيد  
إياك تظلم أى وليد  
قوم واقصد البارى  
حتما رزقه هيحلالى  
قوم وقول  
يا عليم يا فتاح  
افتح علينا بلا مفتاح  
من الصباح إلى الصباح

# تعبانه روحى جوايا

تعبانه روحى جوايا  
صعبان عليه من نفسى  
غلبت اتصالح مع ناسِ  
وأظن الشين ف نفسى  
أقول اسامح  
كمان واصالح  
يمكن أوفى وعدى  
ف نفسى  
وصيّتي يامه وقلت  
صلى حبل الوداد مع الولاد  
وعزة ربى يامه



عملت أنا بوصيتك  
واللى قدرت عليه نفسى  
وسامحبنى يامه  
ف يوم اللقا  
مش هاكون خجلانة  
من نفسى  
والناس غلبها  
زهو الدنيا  
وما صعبش عليهم  
دسهم على نفسى  
من كتر ما كنت باسامح  
نسيت أعلمهم  
ازاى يحبونى  
ويحافظوا علي  
من وجع نفسى

عموما  
الله أكبر  
الله أكبر  
ويحفظني الجليل الحى  
حتى من نفسى

# عبد الروتين فينه

عبد الروتين فينه  
والله واحشنا  
الدنيا من غيره  
صعبة واحشنا  
لاجه ولا سلم  
يمكن مستنى  
على السلم  
خايفه عليه  
من الجيوب الخربانه  
حد ينده له  
والله واحشنا

ولا الدنيا من غيره  
تتفع تكون  
لا احنا ناسه ولا نعرفه  
هانبدله ناسه  
أهل الحضارة  
والمهارة  
بأهل الحداقة  
واللزاعة  
والأدراج المواربة  
والذمم الخاربة  
من غيره ما نقدر  
والله واحشنا  
ففيه دا المسجون  
يبقى عبد الروتين  
يا خسارة واحشنا

هانکون ولازم نکون  
موش هانستنی المسجون  
یطلع یشاکسنا یحاوسنا



بلاش نقول الوداع  
حتما هنتلاقى  
في كل ركعه صلاه  
مع الله اكبر  
تجمع قلوب الاحبه  
للكعبه طواقه

مسجله بالكعبه

# تحية حمام الحمي

وملايكه الرحمن  
كانت لنا ركبان  
انعم بها صحبه  
كل مره افوت  
وفي حماها اموت  
بالحب لها تحيه  
والقي سلام الله  
لملايكه الرحمن  
انعم بها صحبه  
تطير تحلق عليا  
واقول لها تحيه  
يا منظمه الصحبه



ناقص تمد الايد  
وبجنحها بتساف  
تحي كل ضيف  
وتدله علي الصبحه  
بس عليه يمشي  
وبهداها كمان  
بس تعا نمشي  
كانت دليل الضيف  
بتحي بترحب  
الله عليك يا ملاك  
يا محي ومنظم

-----  
مسجلة بالكعبة

# روحانيات البيت الحرام

يا رحله وان طالت مسافره

يا خساره مش فاكراه

متي الجيه متي العوده

مش فaaaaaaaaاكره

ط ب شوط الوداع

ط ب شوط للوداد

معقول انا مهاجره

يا خساره مش فاكراه

ميتي الجايه ميتي العوده مش فaaaaaaaaاكره

طب حبه وداد / طب حبه نور

حمام الحمي يودني

يودعني وانا مسافره

عوزه انسي ساعه السفر  
انسي. يوم. السفر  
انسي نفسي من بكره  
وافضل هنا اسيره  
حدي الرحمن واكون فاكراه  
اني. العبد. وابن العبد  
وابن الامه ولل رحمن مفتكره  
واقول اسيره بكامل قوايا  
السرني انا فاكراه  
انك حبيبي نور عيني  
ملك الملوك نور علي نور  
يا حبيبي انا فاكراه  
وغيرك حبيبي ف الحياه ابد مش فاكراه

-----  
مسجلة بالكعبة

## مشتاقه أطوف واسعي

أراقب صحن الكعبه

## اقول فضی شویه

## اجري. مشتاقه

اطوف انا واسعي

## لحيبي مشتاقه

## الاقى الصحن امتلاء

بملیکتہ یااااااااااامہ

بشر دول ولا ملايڪه

## دا الوافدين يا ااامه

# يا بشر سبوني اسعي

مشتاقه ل هو یااامه

## اشکی واحکی وایکی

لوجعي مين يسمع  
غير الحبيب - الي محبته يااااااااااااااااااا  
اشكي لمين ال اااه  
دنا جرحي غويط يااااما  
اشكي الرب للعبء  
دا يبقي عيب ياااااما  
ما اشكي حبيبي الا لحبيبي  
علي زعلي علي وجعي  
علي اهي كتيريااااما  
يا حبيبي انا صنعتك  
مليش ابو غيرك اناجيه  
ولا رب غيرك انااديه  
مشتاقه اطوف واسعى

# علمني يا رب

علمني يا رب  
ازاي تعامل مع عبادك  
دا عبادك حبيبي صعبين  
اضعف ما فيهم حبيبي  
يشيل طين  
واوسط ما فيهم يديني  
العسل مغمس طين  
واعلا ما فيهم يسقيني  
الفن والعلم والدين  
ومع دول سريع اللقا  
كاني في حطين  
عوزه حبيبي الصفوه

من كل طين  
المصطافين - المصفاين  
لقاهم هويينا هويينا  
اشتاق لقاهم  
اشتاق اسمع لغاهم  
انسي عنصري من طين  
بتصفا معاهم روي  
ويصفي معاهم عقلي  
لكن دول  
بشفهم في خيالي بشفهمفي صفائي  
في. نور. الدين  
بشفهم في اياتك ربي  
بشفهم في نصيحه بصدق  
في مدرس علم  
في صفاء القلب

في شعراء عل حق  
في شاعر بكلمه حق  
ودا لاني كاره انزلاق الطين  
عوزه دائما ارتقي  
وبالكرام انتقي  
ودول مخلوقين  
صدقوني من طين

-----  
مسجلة بالكعبة



# منتظر الإشارة

مدادي فضي  
وانا لسه باقي معايا اقلام  
يا تري اكمل -  
ولا بلاها ملام  
مش مكمل الا باشاره  
مش مواصل الا بعلامه  
وسعتها هكون خدام  
خدام لكلمه حق  
خدام لشرح مرار  
خدام بلا استسلام  
بس اشاره تدل

اواصل ولا بلاها ملام  
مدادي فضي وانا باقي معايا اسنان  
يا تري اكمل ولا بلاها ملام  
منتظرة الاشاره

-----  
مسجلة بالكعبة

# نحن ضيوف الملك

بكل. لسان. ولغاه

الكل يقول يا ارب

الكل عند الملك

واقف انتباه

من كل دول العالم

وبكل لغات العالم

كله لل ملك انتباه

العالم كله مجتمع

عبد الإله

الله اكبر يا عرب

تفضل عليكم ربكم

الاهـــــــــــــــــــــــــــــــــــــــــــــــــــــــــــــــــــــــــــــــــ  
بقرانكم عربي  
احفظوه وحفظوه  
بلغاتكم عربي  
علموه واتعلموه  
ما تسبوش الغرب  
هما يعرفووه  
بالغات اتعلموه  
تمنعوهم يحرفوه  
انتباه بالعربي انتباه  
مهما ضعفت نفسكم  
مهما قلت فلو سكم  
لقرانكم انتباه  
لوطنكم انتباه  
لعروبكم انتباه

لاولادكم انتباه

لاخلاقكم انتباه

-----  
مسجلة بالكعبة

# أنا ضيفه الرحمن

انا ضيفه الرحمن  
الله. عليا. الله  
يا سعد قلبي اكيد  
من رمضان للعيد  
او عك يا فرح تغيب  
انا ضيفه الرحمن  
او عك قلبي ت كشر  
او عك عقلي تخاف  
او تاس م ال حياه  
قول م. ال يوم وبكره  
دا الرحمن فاكرني  
اكيد المدد موجود

بینی و بینہ عہد  
عمری مش ھا نساه  
تملی م ف ت کراہ  
وہو حاشاہ ماتاہ  
ولا۔ نسی۔ عباد  
بت تمناہ۔  
بت ترجاہ  
علی بابہ واقفین  
وفی رحمۃ اللہ

-----  
مسجلۃ بالکعبۃ

# مقعدى متحرك

امنتك يا الحديد  
كل ما تفوت من جديد  
سلملي ع الحبيب  
اهديله مني تحيه  
قله يا طه هديه  
محتاجه الندهه ديه  
توصلني لل حبيب  
امنتك يال حديد  
اهديله سلامي  
تحيه من جديد  
امنتك لما تفوت  
وع السجاد تدوس



بوسلي بلاط الحبيب  
امنتك يا ال حديد  
مع اهه مريض  
والله وانا ال مريض  
ومريضه بال حبيب  
امنتك يا ال حديد  
لما تدخل اكيد  
عل السجاده الخضرا  
لروضه الشفيح  
تحت سقف المنصه  
لخطبه الحبيب  
اهديه مني التحيه  
وقله مريض جديد  
والله مريض بحبك  
اشفعلي ي ال حبيب

قله شوقي اكيد  
ي ريته ما يبعد بعيد  
وبنوره انا مستفيد  
ي مقعد للقييد  
وانا والله قعيد  
ببوس ارض ال حبيب  
وبصلي من جديد  
علي بلاط ال حبيب  
ع الي انول الشرف  
واكون مرید جديد  
امنتك يا ال حديد  
كل ما تفوت من جديد  
سلملي ع ال حبيب  
اهديله مني التحيه  
قله يا طه هديه

## أمر نفسك بالتواضع

ضع نفسك حبيبي  
علي ارض ربنا وامشي  
وامشي كمشي الناس  
بلاش تعيش نفسك  
قلاااسي بلا احساس  
عيش هموم الناس  
انسسي بها همك  
ياللي انت مش همك  
غير نفس عيشه فيك  
تسعدك علي لمك  
من حل كان او حرم  
ماالشي ولا همك  
ياريت كفااااايه

اسسسسسطب  
راجع بقي لمك  
وحاسب علي همك  
قبل الحساب ما يزيد  
وما تدري فين لمك

-----  
مسجله بالحرم النبوي

# صورة بألف معني

هي صوره بالف معني  
بس المعني عندي واحد  
ابني وقت الشده معني  
يعرف امته يكون له معني  
لما يحس بكل معني  
ان دي مصر العفيه  
ولما حد ملهوش اي معني  
يحسها همدا نه نايمه  
سعتها بس هيكون ضحيه  
شفوا ي نكرين القضيه  
اولاد بلدنا يبقوا ايه

كل مدني فات علي الجيش  
شرب المرجله وعاش فيها عيش  
ووقت الجد مدني وجيش  
يد بيد يا خاينين العيش

-----  
2017/12/31



# بنت آل شعيب

انا الشعبي الاصل

بس الزمن ناسسي

انا ليه اهل واصل

بس الزمن الاسي

بعدو الفروع الاصل

وبعدو بانسبهم

ماكنت احسب ف يوم

ها،،الأد،، ناسبهم

يشرفو عده وعدد

يسدو عين حسادهم

يا جددنا ليه الفراق

دا البركه في اللمه  
معدش ابداء فراق  
م اليوم يا عممنا  
انا ماجدة الاعراق باد عفا في  
الحسين جدي وقبله محمد عليه صلاتي  
انا من يشار له بالبنان والكل يعرفني  
في عروقي دم النبوة وهذه سيرتي  
قف اجلالا وتكريما لوفادتي  
فانا بنت الكرام  
وهذه سيرتي يعلمها القاصي والداني



# قطر الزمن عدي

قطر المحبه مشي  
علي ظهر قضباتي  
م ادرت اقوله حاسب  
علي ضهري اااه ياني  
انا ضهري مني اتوجع  
والحصره \_ جواني  
العمر مني اتسلب  
والفرقه جواني  
يا رب ايه العمل  
دا الحل رباني  
اسمعي عوض انيني

علي كل ما بيا ااني  
قطر. الزمن. عدي  
ما قدرت اقول هدي  
وبلاش وجع تاني  
دا الباقي مني هشاشه  
ما اقدرت. ااه. ياني

# انا في حلم ولا خيال

شفت حلم وحلمي حقيقه  
ان رسول الله ف البيت  
عندي وبشكيله حياتي  
ميته عيشه طب يرضيك  
قالي باعتلك مرسل يهديك  
من عندي لعندك انتظريه  
استنيت و أترقب خير  
وم خدتش مع نفسي واديت  
لحد ثالث رابع يوم ونسيت  
دخل واحد ظنيته درويش  
مبهدل اشعث اغبر قال  
وأنا تايهه م بين حلم وعلم

بصيت بدهشه انه عارفني  
قالي وصفك كله عندي  
مش قالك جيلك مرسال  
وسبني -مشي- واختفى- ف الحال  
الراجل كلامه مكسر جدا  
كل م رحب بيه -م يهتم  
أقوله إيه ياعم  
وبزر كشته يقلّي يا بيه  
أقوله دنا المسكينه وانت البيه  
قالي أنا جاي انفذ إيه تعوزيه  
طلبك إيه وعاتبه عليه  
قلتله طلبي وبعده سؤال  
أنا ف حقيقه ولا خيال  
شفت ف حلم وحلمي حقيقه  
أن رسول الله ف البيت

# وطأت الجنه لقدمي أُمي

اماااه- ادامك اقبلي

اقف انتباه-

واحني الجباه

يا- لي- رحمتك

سر من سر الاله

وفي تفسيرها العقل تااه

منحه من الاله انتي

يا معني انسان انتي

انا طفل ف عنيك ربايه

واذ- كبرت ف عنيك ولايه

مبعثي يا كل الحياه  
عطائي للوجود انتي  
تخافي تقولي  
الااه توجعني  
تخافي تظهرني  
المك ل ي فجعني  
تخافي تقولي تعبتني  
اكره. الحياه  
كل الولاء لا يكفي  
كل العطاء لا ينفي  
كلي كلي بمالي بحالي  
بعيالي. ما . نوفي  
امااه لكي حبي  
حتي حبي لا يكفي  
لا يكفيكي الا عطاء

ربي  
وطات الجنه ل قدمي امي  
وبهذا يكفي  
شكرا ربي جنتك لامي

# ميزان الحق

احب اعرف نفسي  
ميزان الحق اسمي  
انا الميزان وع الشعره  
وليه كفين وسلسلتين  
ويد قويه مسكاني  
قالوا ضمير انساني  
انا الميزان وع الشعره  
دا كل شغلي ميل  
يوزنوا بيا الذهب  
للي اتوهب فرحتين  
ويوزنوا بيا حاجات تانيه مسمي كتير  
ويوزن بيا اعماله نهايه اليوم



وانا مرتاح وكلي براح

لا شاغل حالي

ولا علي بالي

في مين ظلمت

في مين أكلت

مليش في دا كله

حمداً لله

نعمه ربنا يديمها

انا الميزان وع الشعره

ولي اوصافي عارفنها وشكلي كمان

دا كل شغلي ميل

وبوزن بيها اعمال العباد في اليوم

دا ظالم ودا مظلوم

ياريت نعمل حساب اليوم

# السيرة الذاتية للشاعرة



هويدا محمد السعيد شعيب

من مواليد ميت الخولي مركز

الزرقا دمياط

## المؤهلات العلمية

بكالوريوس تجارة شعبة محاسبة

حضرت العديد من الندوات بنوادي

الأدب في دمياط وشربين وطلخا

والمنصورة

شاركت في العديد من المؤتمرات والمهرجانات المصرية

وتم تكريمها في مهرجان التجمع العربى للثقافة والإبداع

فريق بكرة احلى لرعاية المواهب

## اللقاءات التلفزيونية

تم استضافتها في قناة **Abc** العربية في عدة لقاءات

هذا اول اصدار مطبوع لها

وهناك عدة دواوين تحت الطبع منها

"عاشقة فن الحياة و" حب الترحال".

## محتوى الكتاب

2	..... بطاقة الكتاب
3	..... إهداء
5	..... أتحدى .. مين أكثر منى بحبها
8	..... أصيل الأصل يا محمد
13	..... بلدى عنوانى ميت الخولى عبد الله
16	..... نبض قلبى
19	..... وسام لرئيسى فى العمل
22	..... حبى للترحال
24	..... لما قالوا السياسة مقاس
27	..... رثاء زويل
30	..... مواساة قلبى المحب
33	..... رد على تفجير الكنايس
35	..... صبر أمى
37	..... شكوى إلى القضاء
41	..... شباب تايه
43	..... هانت يانن العين
45	..... أنا الإنسان
48	..... أنا عود نابت فى الريف
50	..... يا من لا يهمه الأمر
52	..... يا مصر إنت الفرحة

54	.....	قوم الصبح لاح
56	.....	تعبانه روحى جوايا
59	.....	عبد الروتين فينه
62	.....	وداد وللا وداع
64	.....	تحية حمام الحمى
66	.....	روحانيات البيت الحرام
68	.....	مشتاقه أطوف واسعى
70	.....	علمنى يارب
73	.....	منتظرة الإشارة
75	.....	نحن ضيوف الملك
78	.....	أنا ضيفة الرحمن
80	.....	مقعدى متحرك
83	.....	أمر نفسك بالتواضع
85	.....	صورة بألف معنى
87	.....	بنت آل شعيب
89	.....	قطر الزمن عدى
91	.....	أنا فى حلم وللا خيال
93	.....	وطأت الجنة لقدمى أمدى
96	.....	ميزان الحق
98	.....	السيرة الذاتية للشاعرة
99	.....	محتوى الكتاب